

- 1<sup>r</sup> Vergunst vnd haß / witt vmbhar gat
- 2<sup>r</sup> Man fyndt groß nyd / jn allem stat
- 3<sup>r</sup> Der nythart / der ist noch nit dot



## Von nyd vnd hass

- 1 Vindschafft vnd nyd / macht narren vil
- 2 Von den ich ouch hye sagen will /
- 3 Der doch entspringt alleyn dar von
- 4 Das du vergünst mir das ich han

5 Vnd du dir hetttest gern das myn  
 6 Oder mir sunst nit hold magst syn /  
 7 Es ist nyd / eyn so tötlich wundt  
 8 Die nyemer me würt recht gesundt  
 9 Vnd hat die eygenschafft an jr  
 10 Wann sie jr ettwas gantz setzt für  
 11 So hat keyn rūw sy / tag noch nacht  
 12 Biß sie jr anschlag hat volbracht  
 13 So lieb ist jr keyn schloff noch freüd  
 14 Das sie vergeß jrs hertzen leyd  
 15 Dar vmb hat sie eyn bleichen mundt  
 16 Dürr / mager / sie ist wie eyn hundert  
 17 Jr ougen rott / vnd sicht nyeman  
 18 Mitt gantzen vollen ougen an  
 19 Das wart an Saul mit Dauid schyn  
 20 Vnd Joseph mit den brüder syn /  
 21 Nyd lacht nit / dann so vndergat  
 22 Das schiff / das sie ertrencket hat  
 23 Vnd wann nyd kyfflet / nagt / langzyt  
 24 So isßt sie sich / sunst anders nüt  
 25 Wie Ethna sich verzert alleyn  
 26 Des wart Aglauros zū eym steyn  
 27 Was gyfft hab jn jm / nyd vnd haß  
 28 Das spürt man zwüschen brüder basß  
 29 Als Cayn / Esau / Thyesteß /  
 30 Jacobs sūn / vnd Ethyocles  
 31 Die trügen grösseren nyd jn jnn  
 32 Dann weren sie nit brüder gsyn  
 33 Dann das geblüt würt so entzündt  
 34 Das es vil me dann frömbdes bryndt

*i2'**i ij*